

Acuerdo di Promocion di Lesamento

Cu e acuerdo di Promocion di Lesamento Fondo Literario ta stimula y sostene proyectonan riba tereno di promocion di lesamento, cu pa motibo di nan caracter innovativo of concepto innovativo ta forma un complemento riba e opcionnan existente. Organizacionnan por aplica pa subsidio pa varios actividad pa hoben y adulto: di club di lesamento te cu proyectonan digital, y di workshop di skirbimento creativo of performance te cu actividadnan dirigi riba intermediarionan. Of pa proyectonan cu ainda no ta existi, pero cu ta importante pa nan haya bida pa stimula lesamento.

Pa ken

Organizacionnan cu ta produci y ehecuta actividadnan pa promove lesamento of actividadnan literario educativo.

Pa kico

Proyectonan no comercial cu ta dirigi riba promocion di lesamento den Reino Hulandes.

Cuanto

E peticionario por pidi un minimo di € 25.000 y un maximo di € 50.000.

Limite di subsidio

€ 850.000

Deadline

Diaranson 3 di september 2025 pa 17:00 ora Hulandes, 11:00 ora di Caribe

Proyectonan cu a realisa anteriormente via e acuerdo piloto Promocion di Lesamento ta por ehempel Utrecht Doventheater, Festivalnan di Lesamento pa region Caribe di Biblionef, Comunidadnan di Literatura di Noordwoord y e bukinan di plachi digital di Stichting Vinci.

Ken por haci peticion?

- Unicamente entidadnan legal cu ta estableci den Reino, cu no tin fin lucrativo, cu tin capacidad huridico completo, cu ta produci y/of ehecuta actividadnan pa promociona lesamento of actividadnan literario educativo por pidi subsidio.
- Scol, universidad, of departamento di gobierno no por pidi subsidio a base di e acuerdo aki.

- Organisacionnan cu den e aña di peticion a ricibi un subsidio di varios aña di e Fondo Literario, no por aplica pa subsidio a base di e acuerdo aki den e prome dos añanan di e periodo di maneho (2025 – 2028).
- Un peticionario por entrega un maximo di un peticion pa cada ronda di subsidio, pero por ta envolvi como parti cu ta colabora cu proyecto di otro nan.

Pakico?

Ta lesa menos y habilidad di lesamento ta disminui. Esey ta un problema, pasobra lesamento ta amplia bo chens den sociedad, ta yuda bo den bo desaroyo y ta stimula pensamento critico. Pesey e Fondo Literario ta sostene proyectonan cu ta promove lesamento cu tin como meta pa, na un manera duradero, den consulta cu e sector, aporta na promocion di lesamento. Nos ta buscando specialmente proyectonan cu ta forma un complemento riba e opcionnan existente, por ehempel pasobra nan ta uza un concepto innovativo, ta digitalmente innovativo, ta drenta colaboracionnan nobo, ta sirbi un region nobo of un grupo meta cu ta menos conocí.

E proyecto ta dura un di maximo 1 aña

Kico ta compronde bou di promocion di lesamento?

Proyectonan cu ta promove lesamento ta stimula lesamento di buki y ta aporta na amplia di e abilidad di lesamento, e motivacion di lesamento y e placer di lesamento. Esaki ta encera:

- proyectonan cu ta fomenta lesamento di buki y texto rico den contenido;
- proyectonan cu ta dirigi riba lesamento den bos halto;
- proyectonan cu ta anima pa participa na desafionan di lesamento nobo, por ehempel den forma di otro genero of topico;
- proyectonan cu ta anima pa haci reflexion literario of conocimiento literario;
- proyectonan cu ta dirigi riba formanan di literatura no skirbi, manera literatura oral of performativo, manera buki di scucha, spoken word, NGT-performance of toneel;
- proyectonan cu ta pone e participantenan na un manera activo den contacto cu cierto tipo di generonan of formanan literario, door di ponenan mes skirbi of crea;
- proyectonan cu ta dirigi riba intermediarionan manera docente, mayornan of biblio- y mediatecarianan, pa stimula nan conocimiento y entusiasmo relaciona cu lesamento y promocion di lesamento.

- Proyectonan cu ta dirigi primordialmente riba lesamento tecnico nota bin na remarke.

Cuanto?

- E suma di subsidio cu por pidi ta entre € 25.000 y € 50.000.
- Peticionarionan mester financia un minimo di 25% di e gastonan di e proyecto di nan propio recursonan of di otro manera.
 - Si e peticionario ta estableci den Caribe, of si un organisacion ta estableci den e parti Europeo Hulandes pero ta haci peticion pa un proyecto cu ta tuma luga den Caribe cu un partner local, e ora e porcentahe ta 10%.
 - Si e peticionario ta un biblioteca, un POI (Institucion Provincial di Apoyo) of un institucion di apoyo nacional pa bibliotecanan, e ora e peticionario mester financia un minimo di 50% di e gastonan di e proyecto di propio recurso of di otro manera. Den caso di un biblioteca cu ta ubica den Caribe e porcentahe ta 10%.

Evaluacion

Despues di e deadline ta controla tur e peticionnan cu a drenta. Peticionnan cu ta cumpli cu e exigencianan formal ta wordo evalua pa un comision di conseho, cu ta ordena e peticionnan a base di cuatro criterio di evaluacion.

No lo trata peticionnan mas segun orden cu nan drenta, manera tabata e caso cu e acuerdo di aña pasa.

A base di kico ta evalua e peticion?

E conseheronan ta evalua e peticionnan riba e siguiente puntonan:

- Vision riba promocion di lesamento
- Balor agrega di e proyecto riba e opcionnan existente
- Calidad y sentido di realidad di e plan di proyecto
- Calidad y sentido di realidad di e presupuesto

Den e splicacion di e acuerdo ta elabora mas riba e criterionan aki.

Orario di consulta

Bo tin preguntanan specifico tocante bo peticion? Y bo kier sa si bo ta bin na remarke? E ora bo ta bon bini na nos orario di consulta online, unda bo por haci tur bo preguntanan na e specialistanan di subsidio. E orarionan ta planea riba, 6 di

augustus, 13 di augustus, 14 di augustus y 28 di augustus. Entre 9.00 cu 17.00. Y 2 di september, entre 12.00 cu 17.00. (ora di Hulanda).

[Registra aki.](#)

Consulta di conseho cu Stichting Lezen

Bo ta traha riba un peticion pa e acuerdo di subsidio pa Promocion di Lesamento? E ora bo por pidi un consulta di conseho sin compromiso cerca Stichting Lezen, e centro di conocimiento pa promocion di lesamento y educacion di literatura. Durante e combersacion bo por pidi conseho di experto tocante e contenido y e vision di bo plan di proyecto:

-Bo plan ta conecta cu conocimiento actual for di investigacion, manera for di 'de Leesmonitor'?

-Bo idea ta complementa e opcionnan existente riba e tereno ey?

-Kico ta innovativo na bo enfoke, grupo meta of forma di cooperacion?

E combersacionnan aki ta tuma luga entre 4 di augustus 2025 y ta dura un maximo di 30 minuut. E combersacionnan tin como obhetivo un reflexion di contenido; nan no ta evalua nan y ta comparti e informacion den liñanan grandi cu e Fondo Literario.

Bo por haci peticion pa un combersacion via secretariado: info@lezen.nl.

Tene cuenta: Pa preguntanan practico of encuanto procedura por tuma contacto cu e Fondo Literario mes.

Con bo ta aplica?

E fondo ta traha cu un formulario di peticion online. Bo no por save e formulario bolbe bek despues. Bo ta ricibi un confirmacion cu a ricibie via e-mail. E fondo ta trata solamente peticionnan cu ta completo. Den caso cu bo peticion no ta completo, e ta wordo presenta pa evaluacion na un comision di conseho. Peticionnan cu ainda no ta completo riba e deadline, no ta wordo tuma den consideracion.

Checklist pa bo peticion

Controla si bo tin tur cos prome bo entrega bo peticion:

- **Plan di proyecto**, den forma di un *Formato Plan di Proyecto* yena (wak downloads akibou). *No ta obligatorio pa traha segun e formato basico*

specifico aki. Bo por traha bo mesun presupuesto, contal cu ta inclui tur post di e formato basico den e presupuesto.

- Un **presupuesto** conciso y specifico a base di e *Instruccionnan Presupuesto* (wak downloads akibou).
- Un **splicacion riba e presupuesto**
- **Extracto di KVK** no mas bieu cu seis luna.
- E **cuenta anual aproba** mas recien. Peticionarionan cu pa motibo cu nan no tin mucho tempo di existencia no tin un cuenta anual aproba y peticionarionan estableci den Caribe, ta exonera di e obligacion aki.
- Den caso cu ta aplicabel: **un declaracion di intencion of un acuerdo di cooperacion** firma pa ambos partido, unda ta describi e cooperacion detayadamente. Tuma nota: aunke si bo ta traha cu scolnan, no ta tuma bo peticion den consideracion sin un declaracion di intencion of un acuerdo di cooperacion firma.
- **Segundo peticion?** Si bo a yega di ricibi subsidio segun e acuerdo di Promocion di Lesamento, percura pa completa bo proyecto anterior prome.

E peticion mester ta skirbi na Hulandes of Ingles.

Peticionarionan pa proyectonan cu ta relaciona cu Idioma di seña Hulandes por entrega un grabacion di video na luga di un plan di proyecto skirbi.

[Download e acuerdo Formato basico presupuesto](#)
[Formato Plan di Proyecto](#)